


主 編 楊世鈺 趙寅松
本篇主編 和生弟 王水喬

大理叢書·史籍篇

卷七

大理白族自治州白族文化研究所 編

雲南民族出版社



主編 楊世鈺 趙寅松
本篇主編 和生弟 王水喬

大理叢書 · 史籍篇

卷七

大理白族自治州白族文化研究所 編

雲南民族出版社

图书在版编目 (CIP) 数据

大理丛书·史籍篇/和生弟,王水乔主编.
—昆明:云南民族出版社,2011.12
ISBN 978-7-5367-5221-4

I. ①大… II. ①和… ②王… III. ①大理白
族自治州—概况②大理白族自治州—地方史—史籍
IV. ①K927.42②K297.42

中国版本图书馆 CIP 数据核字 (2011) 第 263045 号

DALI CONGSHU · SHIJI PIAN

大理丛书·史籍篇

和生弟 王水乔/主编

策划编辑 高力青 岳 坚 杨红英 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 526.5

总 字 数 8600 千

版 次 2012 年 10 月第 1 版

印 次 2012 年 10 月第 1 次

ISBN 978-7-5367-5221-4/K · 1386 定价: 11180.00 元 (共 13 卷)

大理叢書

楚圖南題



目 錄

二、史部文獻

(一) 古代歷史文獻

滇史十四卷	〔明〕諸葛元聲撰	……	三
滇南雜志二十四卷	〔清〕曹樹翹撰	……	二八七

Directory

Volume Seven

The Documents of History

The Ancient Historical Document

The History of Yunnan, Fourteen Volumes, Zhuge Yuansheng, Ming Dynasty (3)

The Jottings of Dian Nan area, Twenty Four Volumes, Cao Shuqiao, Qing Dynasty (287)

滇史十四卷

〔明〕諸葛元聲撰

刻滇事紀畧序

余友諸葛生博洽士也別去三十餘年近一再會於故里客冬詣隆中至鄭造余語次出所云滇史者示余余卒業焉凡鬼方三苗越裳百濮皆為滇故實而

滇史

卷一

序一

三千年以來肇虞夏逮我

明其廟堂之所區畫名鉅之所攘剔皇華銜命之所紀錄騷墨流寓之所咏歌燦然若覩不啻躡點蒼陟泰華涉蘭津而度博南也先正有云文章不關世教雖

工無益余素未習滇事鄭邑令滇人也訊之云是編也殆可與史稗並傳甚有益於滇而會滇中一時同令於鄭屬者僉曰善各捐俸壽諸梓余無似奉

上命領鄭節每覈邀方軍實因從史

滇史

卷一

序二

之而為弁其端於惟我

聖祖驅胡定鼎並建

兩京聲教四訖窮髮不毛靡弗梯航獻琛胥為臣僕當是時名臣載鴻筆脩國乘者比比雲南輿地偏譯包茅錫貢百不及一

高皇帝睿念振始開疆故軫恤視他
省有加不第藩臬諸司與內地
並設特

命勲臣世守其土而遣海內豪族鉅
宗悉隸尺藉二百五十年間文
獻彬彬漸埒中土其郡志散逸

滇史

卷一

序三

者亦各脩緝所未備矣顧志每
詳於山川形勝徭賦之類而畧
歲時簡人事若史編年之體歲
周于上事列其下以徵善敗而
存興替誠稽往事者所不可以
也矧滇遐荒綿邈古來政令所

不及漢唐時蒙段土酋竊據傳
授烏言卉服蠻索渺茫華風燹
習靡糅交勝即漢官居此獮陋
未盡湔挾故自供武以前漫無
掌故雖一二遺牘多不雅馴而
今考古者憾闕文宦遊者怯畏

滇史

卷一

序四

途其何以揚

聖朝無外之化而鳴

國家一時之盛乎扎諸葛生竒邁磊
落不以虞鄉寂莫自廢窮愁遊
滇餘念襁彈心力于滇之往牒
為之撝剔論次以補方問之闕

意良勤功彌核矣今


聖天子御宇久政化翔洽威德遐暢士
生其間者爭自濯磨英英輩出豈
無有踵而述之刪而正之者題曰
滇事紀畧聊以備嚆矢云諸葛生
名元聲浙之會稽人鄧翟令滇之

滇史

卷一

序五

臨安人與諸同官各署名於左
萬曆歲次戊午臘七月吉旦
撫治鄭襄等處都御史虎林陳
禹謨書於保釐堂



小引

亭毒渾元之氣峙山流川簇脈于崑
崙而西南一種龐厚奇俠者自燉煌
隴氏劍閣岷峩龍嵯岏窮盤錯萬里
而至于滇曼衍坦綽忽開沃野其昧
谷水聚山頂金沙黑水亦隨山南來
摠匯于金馬碧雞之間源廣末狹有

滇史

卷一

小引一

似倒流故名滇水即昆明陸海也周
廣三百餘里旁地肥饒數千里環轟
巖岫下瞰巨浸天然偉麗一碧萬頃
然冬溫夏涼曾無襍穢凍栗之苦四
時卉木未嘗改柯易葉且風微狂颼
澤不腹堅彌望汪洋引手可掬晴莎
月渚遊不擇時載酒舷歌留連竟夕

蓋挾洞庭之勝而絕無駭浪驚濤領
西子湖之宜而不勞工力脩築真天
壤間一與區也惜皇初以來為焚為
燬椎結鑲耳鳥語嘯麗榛榛狂狂不
立文字間以漢官法治之非蠻索重
譯未易諳曉故阿衡紀貢篚姬公叙
王會董象齒短狗孔鳥乘黃丹鹿而

滇史

卷一

小引二

已賅夫空青丹砂琥珀琬琰寶不
少概見尚何竹素文史哉昔祖龍鞭
石梁海濶慕巡游開滇五尺道罕越
跬步漢武經營十餘年糜竭筋骸倡
六郡為羈縻復戀戀穿長安土象昆
明池鯨石吐吞女牛拱立末繇窺九
隆藩籬嗣孫馳魂金碧神儼然遭諫

議持節選祀徒有移文頌禱止已又
况象段姦符桐唐二宋么曆數子者
扒天厭華土久穢蠻荒如蒙古授爵
頒璫蠹襲胡語陋斯極矣乃眷西顧
特命
真人崛起南服重關堪輿俾齒髮壬林改
頭換面從無始劫來撥晦霾而瞻日

滇史

卷一

小引三

月脫左袵而易冠裳猗與盛哉此
洪武十四年事也追維前轍中更三
千餘年若彼九賅百夷已矣其間明
王愍后寧無施及名紳雅士寧無矢
陳師武臣力寧無驅除即諸酋廢興
各稟成敗得失至於山神海靈珍禽
瑰獸蟲魚瘞菌之細賸種播侈譚能

寥寥寡稱乎分疆啓土擣杙攸存群
玉庸成漆園竹汲期古稽今之士往
徃樂道之柰何拘局代異猥云無徵
自慳名筆不一彰徃也元聲小草餘
生大觀未備經笥嘆腹孤陋恥聞庶
幾浸涉五車奪于家貧學殖弗茂殘
簡蠹魚屈伸以寸又何克窺作者之

滇史

卷一

小引 四

堂與昔賢橫軫然向平有願不俟婚
嫁瓠匏苦葉浪欲濟人群望見為未
慝神情躍然頓思涓補徃昔挈弟元
伯徒步入滇愛其風土淳歛棲遑偃
仰不覺數歲偶與張元實喬晉卿談
十三王故實恠其荒憬寥閭墳籍湮
蕪惻然有概于中也遂欲撫佚撮殘

寫集聞見成一家之言第洪鍾寸筵
綆短坎長愬無以振逸響引寒流而
一徃深衷便難拚割於是齒衰牢之
詭誕竦擒縱之威靈瘴箐蠻圻踴蹻
幾遍已而擔簦東徙涉歷多方苟觸
本實靡不諏遺拾唾畋漁累存襟物
卮言獲眎拱壁乘窮摻極又三十年

滇史

卷一

小引 五

于茲始得上溯鴻荒下臻
熙代繭管十易排纘方新合為十四
卷計數十萬言緘在行笥隨跡海內
未敢輕以示人非逃兩劑之誅正恐
貽十襲之哂也白首塵埋所甘心焉
嗚呼書劍無成清時坐廢身既隱矣
焉用文之夫立明訓炙尼父猶病誇

誣孟堅詳贍承家尚嗤短識矧余山林
 滄謫勦竄挂漏迺茲抱覆甑之章
 無一遺嗜痂之癖不亦難夫元實聞
 而慰余曰忘患也壤擊衢謠勿關帝
 耳小家曲說罔措芻蕘今有
 聖朝統一之輿圖即不可少雲南之職貢
 有雲南今日之職貢即不可無全滇

滇史

卷一

小引 六

史氏之完書置諸桂室蘭臺疇云非
 似雖然蚤不度量強負崇竑一呖如
 斯聊足藏往事資瞻聞云耳知我罪
 我敬請聽之大方

瑯琊諸葛元聲書於隆中三顧草堂



參訂校閱姓氏

浙瑯琊味水諸葛元聲著
 浙瑯琊弟諸葛元伯校訂
 浙蘭谿學生侄諸葛卿
 楚襄陽學生侄諸葛龍
 諸葛佐同閱
 滇昆明光化縣知縣徐光榮
 滇安寧房縣知縣楊廷光
 滇宜畏竹山縣知縣苗裔昌

滇史

卷一

滇臨安鄭縣知縣翟元肅同校

滇史卷之一

明味水外史諸葛元聲編

伏羲氏治天下分理赫胥居南漸有野人授土號灋外君長

按地域志滇土廣遠正當坤維為西南奧區天文井鬼分野高貢梁州之域其地群山盤錯風烈土浮冬春恒暘夏秋多雨少冰雪四季繁卉木產五金益鐵錦繡布琿琚已貝之屬洪荒無聞伏羲命赫胥居此地授土非帝命自相傳授也

滇史

卷一

炎帝之世風沙氏叛帝益修厥德風沙之民自攻其君而來歸於是政化所暨南至交趾

按緯書神農地過日月之表日表骨利月表青丘以滇視之猶為適封滇迤西崇山數千里抵南海而止迤東臨安即與交趾接壤風沙即沙州與三危相連滇之正西為葉榆其東北距宕昌宕昌即三苗種裔故風沙歸而交趾三危皆賓服也滇至北京一萬六千四百五十五里安南至北京一萬一千一百六十五里

黃帝命祝融辨南方獻拒塗帝娶蜀山西陵氏女曰嫫祖為帝元妃始教民蠶因封次子玄囂于青陽

按蜀山女族州人嫫祖善蠶蠶起于蜀地高辛氏時事

載夷堅志故蜀名蠶叢青陽亦南方地帝又娶于鬼方陸終氏自青陽有封拒塗有獻文物漸異古初矣

顓頊帝生于若水初建九州西南為梁州滇屬梁州

黃帝元子昌意娶蜀山氏女曰昌僕感瑤光貫月生帝

于若水山海經黑水之間若水出焉黑水自蜀岷而入南海故與滇水同一派又曰若水在邛笮之間

堯分命羲叔宅南交和仲宅西曰昧谷

按南交即交趾昧谷極西日入之所滇介二者之間

舜典分北三苗

滇史

卷一

二

北背也三苗國名在江南荆揚間恃險不服故舜先取其君長竄之三危以禁錮之而又分別其善惡以安置之也此時西北戎狄未熾梗化者惟南方之蠻蠻之最輕捷者曰苗故云苗頑弗即三危即三苗之地皆八蠻所居王制南方曰蠻雕題交趾有不火食者雕刻其頭額丹青涅之為飾不火食者地氣煖不為病也今滇中多有此夷舜時苗有國都與今苗不同今湖北川東貴州各立宣撫宣慰招討等司以制苗即舜典分北意舜又命禹導黑水至于三危入于南海

按禹貢華陽黑水惟梁州黑水地志出犍爲南廣縣汾關山水經出張掖雞山南至燉煌過三危山南流入於南海其水之黑似榆葉積漬所成三危山臨其上其山峴絕因名今陝西行都司是中國山勢皆自西北而來水亦因之故岷山岡脊以東之水皆入河漢岡脊以西之水即爲黑水梁雍二州以黑水爲界黑水自雍之西北直出梁之西南會爲滇池金沙江而入于南海漢武開滇古有黑水舊祠益禹跡也 大禹汶山郡廣柔縣人帝王世紀曰鯀娶有辛氏女孕十四月戊戌載六月六日生禹於

滇史

卷一

三

楚音道之石紐鄉即今石泉縣華陽國志今夷人營此百里內不敢居牧人有逃入此者不敢追云畏禹神也丹鉛錄云石紐村即今之石鼓山朝暮有五色霞氣按楚道即滇之楚人此時漢武未設郡則汶山亦邊鄙地也

夏禹治水命神庾辰徇南海分派江河流沙金色故名金沙江入昧谷見水多聚于山頂其大流從崑崙而來顛倒數千里乃曰滇水滇水周三百餘里源廣末狹有似倒流故曰滇今雲南昆明是也其地萬里皆蠻夷所居西窮極有大秦國身毒國即天竺義渠國緞濮國荼緬沙國有聖人名祖葛

尼到此荼緬沙是日落之所有大洋焉日入其洋矣即西外有緬夷諸國西南濱海黑水所流八百日南占城真臘登流眉賓童童國有三舍城中目連舍基比南海濱也 按禹導梁州止稱黑水入滇乃爲金沙江其流派又不同唐樊綽云西夷之水南流入于南海者凡四曰區江曰西洱河曰麗水曰瀾諾江又曰麗水即古之黑水也夫麗水即麗江樊語有據而程氏不知乃謂樊以麗水爲黑水者恐其狹小不足界二州雍也又云其所稱西洱河却與漢志葉榆澤相貫廣處可二十里既足以界

滇史

卷一

四

二州其流正趨南海此又以洱河與葉榆爲二也又言漢滇池即葉榆之地夫葉榆在迤西滇池在省屬迤東何得合爲一地解尚書者引此作証何異問道于盲也緬夷西南徼外夷摠名釋文緬遠也自騰衝金齒而西而南凡楚屬皆其類古來稱號不同宋元謂之緬我國朝始設緬甸宣慰司羈縻之今莽酋是也 商湯代夏仍定十有二州與伊尹爲四方獻令定其物貢時百濮貢象齒短狗古濮國在江漢之南象齒滇產也四方獻令備載于左

令正南 甌鄧 桂國 損子 產里卽今 百濮
九茵六種 獻珠璣瓊瑁象齒文犀翠羽茵鶴短狗
令正西 崑崙 狗國 鬼親 枳已 關耳 貫胸
雕題 離丘 漆齒九種 獻丹青白旄紕蜀江壓龍
角神龜江壓珠名龍角龍解角也
令正東 符婁 仇州 伊慮 滬深 九夷 十蠻
越 滬 鬲 文身十種 獻魚鼈鰓鱗鮫利劍
令正北 空同 大夏 莎車 姑他 旦略 貌胡
戎程 匈奴 樓煩 月氏 鐵黎其 龍東胡

滇史

卷一

五

十二種 獻索駝白玉野馬駒駃騠良耳已上出逸周書
商高宗伐鬼方

事無考惟見于易楊升菴曰鬼方極遠國即莫靡之屬
倉頡篇曰鬼之爲言遠也世本黃帝娶于鬼方氏匡衡
疏云成湯化異俗而懷鬼方意湯時已內屬于武圉之
中而復叛于中衰之日故高宗伐之殷頌可証詳下伐鬼代註
周武王伐紂庸僕人從牧誓庸蜀羌髡微盧彭濮人
上庸陝西金州下庸四川夔州濮即百濮鄭楚語蚡冒
始啓濮劉伯莊曰濮在楚西南周書王會篇濮人以丹

砂註云西南之蠻也髡卽史按史西南夷自蕩以東北君
長以十數斯苴都最大註斯及苴都二國名斯音徒相
如難蜀文畧斯榆謂斯與樸榆也此斯卽西南夷之徒
玉篇作鄭註狄國夏爲防風氏周爲髡漢爲寶叟地在
蜀邊今按髡徒斯叟鄭寶皆一種夷隨呼易名耳不斯
會者八百國今誓師獨稱八國以近西都素服役也
周公伐西洛鬼戎
竹書紀年載此鬼戎卽商宗之鬼方按今貴州有羅鬼
印部兩林蚩皆稱大鬼主蓋其倂尚鬼也

滇史

卷一

六

周公居攝六年越裳氏以三象重譯而獻白雉曰吾受命
吾國之黃帝曰久矣天無烈風淫雨海不揚波三年矣意
中國有聖人乎蓋往朝之成王以歸周公公謙讓于王乃
稱先王之神致以薦于宗廟及還迷道公賜以指南車由
扶南林邑海際葦年而至其國

越裳在交趾南去日南郡四百餘里一云老撾卽古越裳氏其苗一代之止生
絕不生女此時已黔險阻未通中國故由交趾日南而
來扶南國在占城傍與緬相鄰西去林邑三千里扶南
在海大灣中其王葉柳女子也有外國人混潰者夢神